

15

T5417/2153

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

皇甫司勳集卷之五十三

皇甫司勳集卷之五十三

吳郡 皇甫方子循 撰

誌銘二首

明中順大夫思南府知府王公墓誌銘

王大夫既卒之三年將圖襄事請孤來乞銘余以

不文讓孤泣而固請曰是先人之遺命也願微一

言之辱以慰先原之靈朕狀不盡中合君所撰云

大夫諱廷素字子儀別號雲庵姓王氏光祿大夫

柱國少傅兼太子太傅戶部尚書武英殿大學士

贈太師諡文恪公臺仲子也其先葬於南遷

皇甫司勳集卷之五十三

哈佛大學漢和
圖書館珍藏印

吳郡 皇甫汸子循 撰

誌銘二首

明中順大夫思南府知府王公墓誌銘

王大夫既卒之三年將圖襄事諸孤來乞銘余以
不文讓孤泣而固請曰是先人之遺命也願徼一
言之辱以慰九原之靈展狀季翁中舍君所撰云
大夫諱延素字子儀別號雲屋姓王氏光祿大夫
柱國少傅兼太子太傅戶部尚書武英殿大學士
贈太傅諡文恪公鏊仲子也其先汴人宋室南遷

從而渡江居吳之洞庭東山遂爲吳人大父諱朝
用仕光化縣令以良稱自曾至高竝以太傅貴贈
如其官榮躋三公恩逮四世乃知佩刀之授有徵
列戟之施無爽克紹烈祖者矣大夫生而厚重偉
丰姿有器識甫冠以太傅三載考績蔭入太學恥
居紈袴被服樂與諸生遊太傅方在樞密乃杜門
絕不通賓以謝請謁者曰毋以累家大人爲也其
虔慎如此時當中葉

毅皇倦勤闔瑾竊弄朝政日非流毒縉紳赭衣關
木暴於轂下者以百數太傅秉正嫉邪事每與忤

瑾心銜之以相公望重終莫敢侮稍爲斂容褫氣
人咸爲公危之尋上疏避賢者路竟遂析奚之請
不失大雅之哲歸臥東山海內歎其爲完人云時
長子中舍君窮治宮室苑囿凡輿馬服食靡不華
腆粉黛聲伎充於後庭玉帛玩好實於外庫將以
娛其親公悉屏而不御焉仲獨沉靜寡慾折節讀
父書翩翩然佳公子也相公亦喜謂成吾清德者
此兒矣亡何謁選銓曹太宰爲長洲陸公執其卷
曰非王太傅子耶真可謂得青箱之學者卽取父
第何有但 朝廷盛典不可虛稽昔司空導右軍

義之皆由門第起家著勲簡冊偉然成大丈夫是君家故物也仕貴及時尚奚待焉適有左軍督府之缺擬銓授乃以親老求南輿便省問衆益賢之因拜南京中府都事履任卽恪守職司值畿內諸衛所類進表箋詣府多冗費一切裁革人稱便焉正陽諸門官軍領鎖鑰恒夜候風雪中行視憫焉捐俸葺廡以庇之此何異陞楯郎得休居自旃始哉在南都三載多所裨益甲申丁太傅艱服除補中府尋陞經歷嘗有中使夜呼索阜城門鑰將出爲

章聖召醫叱曰禁門一鑰安敢擅啓然事關太后奈何詰使者言頗驗迺飭踐更卒嚴禦躬導出入旦日上䟽言醫官召用無時不宜處城外以備緩急時嘉其奏焉舊制都司及各衛所武臣兩月詣京一比試第其能否懲勸有差邇來監臨者徒以虛文姑息視之法漸廢弛率爲釐正不少假借士卒皆嚴憚叅軍矣嘗奉詔准揚有司餽遺一無所受丁酉六載考績妣胡氏由太孺人進封太宜人兩承 褒寵實異數云是歲遷宗人府經歷秩高而事簡銓曹廉其有治材不宜寘散地乃就

闕下拜爲思南守歎曰余豈不能奉

天子之威德漸被遠人爲良二千石乎母老且病惡忍忘垂堂之戒驅峻坂之馭耶遂投劾歸太宜人不久背養獲奉終事孝思無憾矣旣除服或勸之仕曰吾有先人之廬足以託處具區之田足以自給桑麻橘柚之饒足以比戶封而鄴架之書可以委懷湖山之勝可以展眺人生行樂豈在一麾五馬間哉吾弟壯且謝秩韜隱從事著作縱不能附子臧之節獨不媿少游之言乎吾其已矣士論高之性禎密寡言笑事必熟思而後行雖造次未

嘗失色於人弘度有容犯或不校亦無脂韋晞世之態少喜臨書字畫道勁得太傅筆法間占屬短律亦清逸不失家風涉獵聞見隨手籍記他日人有忘之者悉爲陳說較若指掌殆今之崔林也居無虧攝強飲食壬戌四月朔偶嬰寒疾越七日卒距生弘治某年月日享年七十有一悲哉配陳氏初封孺人進封宜人乃先公卒子男四並秀發能文長有輔國子生次有夔次有龍邑庠生次有玘孫男女八人可謂蕃衍矣輔等卜以乙丑十二月初九日奉公柩厝于洞庭王塢之新阡越丙寅正

月初四日合陳氏宜人兆葬馬銘曰
倬彼王喬起自太原居吳震澤由汴來奔天挺太
傅身任斯文扈

聖熙載炳耀台垣兩朝毗化四葉蒙恩邦侯績業
亦貴而尊懷金剖竹皂蓋朱旛踐榮知止膏施自
屯誕生哲嗣雖死猶存阡開幽隧儼對湖濱赫赫
中順題墓之門刊石頌烈永詔後昆

明文林郎浙江台州府推官張公墓誌銘

吳四著姓而張爲一若今天台公者其先濠梁人
也勝國時有仕平江路者避僞周之亂徙金陵再

徙吳爲長洲編氓自五世祖賜始也賜生彥達彥
達生景景生準世服賈以貨殖聞生子四人並好
遊北走燕南走越結客少年游閒公子日馳逐於
章臺狹邪間歸而務然諾輕財好施能趨人之急
則又以俠聞仲子滂字應霖母李氏所鍾愛也始
折節讀書其在燕也鼓篋入雍盡棄其裘馬之習
從博士掌故講同異多所發明爲大司成所知積
分考行升諸上舍

世廟戊子以尚書古文舉于順天疇昔五陵諸少
年咸指目而訝曰張仲豈久人下者哉向以鴻鵠

困于燕雀中耳自是十上春官竟不遇乃卷志長
林躬理家事稍治第宅葺園囿地僅一區而池館
島嶼之勝備其中花木禽鳥亦相稱自號青陽居
士杜門掃軌以謝貴人惟二三密友時爲開徑食
不重味酒纔三行輒罷去乃出所藏書籍圖畫彝
鼎罇罍劍七鎗鎗咸千百年物賞鑒之暇則延師
訓課其子而已內而諸從外而子聳各以別舍折
券畀之或婚喪不克舉者咸爲周之有敦睦之風
焉踰三紀歲甲子季冲子鳳翼燕翼並舉于應天
里中謂古有三戟張家將復見於今則又駸駸乎

以顯聞矣乙丑春忽戒其紀綱曰爲我趨裝將謁
選于天官氏人莫知者先是嚴相公爲司成時嘗
拔太學後異者得馬氏一龍從謙輩十有一人隆
禮以優之仲蓋與馬後登上第者九人嚴旣柄用
凡受知者趨之多得魏科興仕仲獨謝去曰吾寧
不仕豈可以權貴致身哉相國敗始有此行或以
其事寔滯聞於秉銓乃拜台州理官遂自號天台
仙吏而人稱曰天台公云時侍御龐公尚鵬按浙
之命甫下持憲良峻大署其門屬吏毋得上謁天
台公徑造其門闔人止之乃排闥而入御史驚而

進之庭叅未已遽升其堂曰未嘗為吏不識吏局
然下僚謁長官承問治道亦禮也胡深絕焉御史
歛容而謝京師傳以為美談視脂韋磬折足帖帖
面赤汗背者何如哉不疑之諭暴公子天台近之
矣將之官過里中猶携諸從獻翼輦為竹林之遊
忘其簡書可畏也移檄促之單車入郡偶觀察使
者委以訟牒而名犯其諱入而作色曰理官與囚
名伍豈有意辱之耶觀察引咎謝之其不為屈志
媚上多此類朞月之間疑獄多所平反弭大盜之
道捐弊田之罰卻鹽賈之賄俸祿之餘盡散以飾

學宮廣浮梁士獲藏脩民歌利涉又建正氣樓以
祀方正學倉吏耗米將鬻女以償出橐中金代贖
之人心咸為感動台郡為之語曰張君為政樂不
可支麥穗自昔蔓草在茲以庭虛罕訟獄蕪寡逮
擬堪也然同官嫌於伴食郡守甘之坐嘯忌才害
能譽之所在謗亦隨之矯矯者汗不信然哉遂以
年免聞報之日歎曰吾豈不知毫無能為耶聊効
一官以見志耳矧茲地也稱仙都福庭傍郡去龍
湫鴈蕩密邇間得馮霞御風躡石梁採海嶠吾生
足矣昔稚川求丹砂於勾漏靈運娛清暉於永嘉

某雖不敏請附二子矣或占綴詩篇閒婉可咏也
角巾東歸士民遮道車不得行尋建祠肖像為享
祀焉抵家發裝圖書之外惟鵲蕉蘭蕙數種而已
閒居兼屏紛雜闢園濬池崇臺綺閣覽衛生之經
談緩齡之術仲長眷懷於山水馮亮廣適於栖遊
殆未涯也忽膺痺疾陟旬而卒隆慶己巳正月晦
日也生弘治丙辰十一月二十八日春秋七十有
四配沙氏相夫以才淑克昌厥家沒齒敬慎不衰
男女各二長鳳岐娶陸氏次鳳儀娶徐氏皆太學
生孫男二天台公病方革無他言惟曰我卽不諱

菟鬼猶思越鄉昔人託葬南陽台人豈不能血食
我耶卒之後果有屬吏素車白馬千里臨哭者悲
哉彌留之夕召獻翼曰汝吾家千里駒也為撰述
平生乞銘於司勳氏彼雅善文又汝忘年交也獻
翼泣曰唯唯是歲鳳岐革卜以十一月十又幾日
卽遠于伏龍山祖塋之傍遵治命具狀來請夫張
子藝苑名流得焉遷叙事法且所聞於家庭罔溢
而徵余奚加焉聊刪次而系之銘曰

張仲務學克振儒風肇由俊舉耻以貲雄避權謝
仕韜光固窮晚效一官烹鮮愈治爵服匪榮聊展

吾志民號神君自稱仙吏不習塵容引年解紱樹
碑留思建廟享食官豈在崇民懷惟德伏龍嘉麗
卜宅妥靈赤城遙緬騎箕鞭霆餐霞吸瀼安知委
形

皇甫司勳集卷之五十三

男琳謹校

皇甫司勳集卷之五十四

吳郡 皇甫沆子循 撰

誌銘二首

徐隱君墓誌銘

隱君姓徐名京字禹暈中山武寧王七世孫也余
嘗誦

高皇帝御製碑爲鳳陽府鳳陽縣人家世農業王
蓋羸糧徒步仗劍崛起晞竹帛以垂勲誓河山而
疏爵者也自是紈袴子孫憑藉寵祿炫奕陪京無
踰魏國家者延至中葉始知悅禮樂敦詩書彬彬

乎多儒雅士矣君尤砥節勵行嗜學綴文乃知太
冲起於公族靈運誕自侯門也祖某號蘭谷父某
號慕蘭並任俠樂施降而能恥母梁氏萬戶安之
女也雅有闡儀載在家傳君生而聰悟甫七齡能
爲五七言對信口占答慕蘭公奇之使就外傳年
二六能屬文習經義志期以文通武正德丙子應
天鄉比就試京兆尹居首選後累科不第輒棄去
曰此殆非不朽業奚足困壯夫哉遂擬古文詞特
閑詩賦不窺家園者十年矣亡何慕蘭公背養居
喪毀瘠事梁夫人撫弟立襄以孝友聞締婚授室

推產讓僕自處湫隘梁夫人慈景無恙由子翕孺
也遭辰終鮮兩弟相繼奄逝殯葬之具身獨經理
謀諸細君而鄒氏賢婉脫簪解珥畧無難色成君
懿親之美而君方齊物於蒙莊寄情於潘岳曠養
恬澹不爲貲省雖世濟蟬聯而衣惟緼緒家崇鼎
食而甌或生塵晏如也因號居雲子以見志焉嘉
靖丁亥慕吳越山水之勝爲子長好奇之遊訪友
明哲商摧藝藻時蔡子羽王子寵黃子魯曾省曾
皆與定交吳趨之市而余兄弟亦傾蓋焉以倚閭
之故不遑留滯亟歸寧慶因杜門掃軌覃精邃討

力追古人於是東橋顧公璘暨弟橫涇公璞石亭
陳公沂倒屣紆引更倡迭和而君獨雄轢其間聲
稱籍甚於江東矣浚川王公廷相以大司馬參贊
南都機務非公事不濫通賓君以詩投謁卽歎賞
不置司馬業上疏切論時政語侵守國君坐是避
之不復往來以故臺省鉅卿愈重躉君時海內被
褐之士以詩名家者太初流寓於吳會子言棲趾
於燕京而君且度外兩子若未暇參論也將軍西
第履綦響臻公子南池軒騎填集而君門轍跡間
有長者不以蓬蒿見謝也梁夫人尋亦捐背毀瘡

踰於前喪謂生不能崇養三釜產子皆夭死無以
衍一綫之胤居嘗鞅鞅弗豫矣甲辰歲余在司勳
仲氏湊蔡子汝楠施子峻在比部王子廷幹在戶
曹與君數相讌會歡若平生君爲牛首地主邀致
群彥探幽攬勝登頓彌日賦詩盈帙藏之山中一
時傳寫長安爲之紙貴越乙巳諸子稍稍遷去而
君疾間作自以志不展於丁年才不效於小施苒
苒聿暮頗有憂生之嗟然苦吟耗心縱飲傷肺客
爲勸止之而君猶覓句驚人頌酒詆婦悲哉明年
丙午君於兄弟之子擇其冲秀養爲已子曰俾奉

先人祀不乏足矣越丁未忽病風左體委弊不勝
動履鄒孺人臥不安寢食不甘味晝則延訪名醫
手調藥餌夜則焚修秘祝願以身代君瀕危得復
起者鄒之誠感所致也又明年戊申君積痼少瘳
而余羈紲都亭相見輒欷歔流涕察其容貌改前
鬢髮非故心竊憂之至把臂晤言了如平日幾其
猶可強息也君且悼故友之零落緬陳跡於俛仰
命酒慰勞盡出其稿曰以此累公余因叅定蔡中
郎謝司直所芟取者銓次之而爲之序君手漸能
書翰期我以中秋之會不數日食鮮疾作余時在

長干寺報書云仙子樓居維摩禪坐明月一室何
曾兩鄉十六日漏未盡而卒嗚呼痛哉臨歿猶令
友人誦其序文頷之曰吾目瞑矣小祥之月鄒孺
人令其孤來乞銘曰知困典者莫若蔡邕公無辭
焉據狀公生於某年月日春秋有幾男二守硯早
夭次守筆女一適溧陽翰林院庶吉士馬一龍亦
先君故守筆擇某年月日襄事于雙橋門之新阡
以鍾山賜地罕可附云君多懿行不瑣述外雖和
光而中懸人倫之鑒臨財非義即千金不爲眴眴
覩時俗事輒慷慨不平至談經世之務抵掌奮袂

言真集卷之五
四
欲爲陳思自試著隱一書頗懷韓非之憤已矣居
雲余忍銘余友哉嗟乎世謂相知之難而相遇尤
難也設有二三當路知余如君則將職文墨之司
無泣玉之寃知君如余則必蒙弓旌之招備記室
之任豈若是輒輟終其身哉命也已夫君所造有
居雲集吳行泐行二稿并著隱總十餘卷成一家
言銘曰
有德而文無祿與勲逸情埃表棲迹孤雲生不滿
百千載揚芬一逢吳季二古徐君

黃先生墓誌銘

夫神駿伏櫪而駑駘駘乘娥眉棄捐而勃屑進御
瑜瑾韞韞而瓴甌騰價龍劍敞室而鉛刀發硯士
亦有然者天乎人耶求士若此望世又安得乎吳
人于是乎搯腕爲黃生矣

按狀黃君諱魯曾字得之人稱爲中南先生云其
先河南汝寧人也宋元兵興間高安公徙家袁州
生斌少習孫吳書學擊劍騎射察觀英雄屬焉值
徐壽輝破袁州以斌爲萬戶尋自僞漢亡歸

高皇帝從狗南昌授昭信校尉調禦蘇州遂家于
吳君六世祖也生信信生景暉爲武畧將軍景暉

生曄始棄武攻文以進士起家任比部郎決獄三
輔以爲神明生異號葵菴公君其仲子也生而穎
慧過人葵菴善操其息立致萬金產析子各千餘
君與弟省曾卽五岳山人也盡以購書讀之父爲
譙讓對曰昔人謂黃金滿贏不如一經矧五車乎
與其饒於貲孰若饒於學乎比部公聞而賢之弱
冠並充弟子貞竊鄙時義博綜群籍探古文辭好
奇縱譎爲文閎衍莫能加焉長則方面巨耳脩鬚
炯目昂軀山立偉然丈夫也丙子試南畿主司爲
李公廷相覽其卷深加歎賞置易第一錄其論以

獻不竄一字俾爲後學式云屢上春官不第同年
崔公桐時爲少宗伯諷曰子日暮矣時不可失禮
曹司務貞缺姑屈効一官可乎君笑而拒之出曰
咄嗟崔生安知余之心哉方今專重進士即才如
董賈學擅班楊位躋卿貳勲垂竹帛問之非由進
士終赧顏憾心矣是時抱志不屑謁選者余長公
沖海鹽王生文祿耳嚴相聞之亦願見此三人三
人不肯行天下想聞其風焉葵菴晚年任俠務博
有大度苟不得盧千金捐於一擲無恨也以故家
易凋落又廣置妾媵多生庶子卒無長物君事母

王大孺人竭盡孝養讓其先人之廬以與諸弟而身自僦居委巷晏如也長兄太學生孝曾早卒撫幼妹長爲治裝嫁之錢生用商示以時義獲舉於鄉今爲肥鄉令是也性狷介選俗離群寡所交遊第省曾外惟王守王寵耳余兄弟以中表尤密八子齊名吳趨爲之語曰黃家二龍王氏雙璧皇甫四傑鳳毛鸞翼同學莫敢仰視矣包山徐縝以藝交始終稱莫逆焉後遇太學張獻翼卽投分歎曰恨得子之晚也兼以峻直不能容物邑令張舜元苛法於其僕斃於杖下君爲發喪令蒲伏引慝里

兒以催科逞侮君上書李節推士允畧曰一介不取僕之志也倚馬萬言僕之才也李覽之爲歛容卒當侮者罪居父喪郡守胡公績宗唁其廬就幕次稽顙曰衰經不敢詣公庭以謝守辭而避之其梗槩皆此類亦以見當時守令賢於今遠矣己未之春年踰七十猶擔簦躡屩自潞河徒步入京師其篤如此所著多憤世刺時之篇若令語士役議枕戈雜言序使服官政必多忠猷毅烈乃竟已矣間居弗豫時過其姪姬水城南精舍茂林脩竹觴咏移日姬水者五岳子也嘗奉安石以遊承阿咸

之賞者也是歲業將非上趨治裝把臂謂曰人各有志余豈智不逮而父耶蓋五岳由辛卯舉于鄉亦置詩第一壬辰走京師觀樂而返後不更往世盡高之亡何君卒方其彌留猶不忘一第悲哉是為嘉靖辛酉六月晦生當弘治丁未三月朔享年七十有五云娶徐氏都御史徐公源之孫繼蔣氏側室趙氏男三長道美郡學生先卒次道貴次河水俱郡學生孫男三道貴生嘉瑞郡學生嘉德河水生嘉毅尚幼道貴等卜隆慶其年日奉公柩厝于靈巖西麓之新阡踰十年所而後克葬傷哉

貧也狀卽姬水手勒粲然華矣然詳於論文而畧於紀事余稍增益所聞至云文喜左氏莊騷太史得其曠婉詩喜曹謝岑李王孟得其健逸皆實錄也余復何贅焉而妄人詆其不嫻於藝何哉白首牖下誦覽不輟鉛槧日操多所校輯若孔氏家語兩漢博聞漢唐晉四傳唐詩二選仙家四書大哈小哈錄詩說諸集行於世及隱居北遊間是客中諸集散逸頗多蓋襄陽綴不逮意茂陵稿輒屬人也河水挺濟美之才負紹述之志旁搜博采題曰天中集徐君序而傳之所謂愛奇凌誕率任天衷

蘊藻沉思獨持氣骨要亦知己之言哉二孤請銘
銘曰

矯矯黃君希世奇寶鸞鷲匪群竽瑟違好莫爲之
先蟠木登廟伊誰之愆荆壁委耀原居屢貧孔行
卒老夸死馮生均湮腐草氣吐虹霓塞於蒼昊卜
宅靈巖別開京兆辭乏中郎曷彰有道徃矣餘名
來斯允詔

皇甫司勳集卷之五十四

男琳謹校

皇甫司勳集卷之五十五

吳郡 皇甫子循 撰

誌銘四首

徐文敏公繼室淑人郁氏墓誌銘

徐文敏公亞配卒是爲 誥封淑人郁氏也日月
有期遺命孫履貞治襄事諸孤爲乞銘狀卽公從
弟縉所撰述也系曰淑人彌留時呼玄英玄素泣
且訣曰吾疾殆不起卽不起慰我於地下其在墓
銘乎銘在文不在官爵文工則傳傳則死且不朽
官爵以眩盲俗耳奚能益地下人哉夫淑人之言

誠善矣媿余小子何敢當乃一再讓玄素堅請之
嗟乎余少從文敏公遊又爲公所舉士也晚通婚
媾嘗於門下竊聞淑人之賢分安敢辭稽昔任彥
昇以記室而表婦順於劉碑舒元輿以左司而闡
毋懿於陶版文果在官爵否乎廻環展誦華而美
典而徵尚何以加焉謹掇拾爲之銘

按郁氏之先有諱貢者當周末時嘗相魯傳至青
州刺史泰玄始見郡乘徙江左著籍於吳遂爲吳
人居吳趨孔道西接金閭甲第鱗次高閎駢坐郁
特雄埒其間國初嚴鈔法與時轉化因致饒裕父

彛挾貲遊維揚間任俠樂交諸少年遊揚其名至
今江淮言郁長公若四豪云淑人生而幽閑莊恪
里中好靚粧奇服輕袿侈袂翔龍墮馬淑人屏不
欲御恥與衆女伍也父母察其相後必貴爲擇佳
壻踰笄未字易謂愆期之志非有待於君子乎時
文敏公適喪元配王氏遍召諸媒媪以詢僉曰無
踰郁氏者公詰之曰汝不聞王淑人乎大傳文恪
公長女婉嫕才淑閭德無雙殆難以爲匹諸媪哂
曰公何得以相門輒少白屋女也由是委禽授幣
如初婚儀迨吉于歸公喜曰向老媪言展不誣矣

時文敏由史館進秩學士主試南畿淑人相之如
京當 今上登極之初銳情經術延訪儒流日御
文華緝熙 聖學公儀矩端偉音吐洪亮每陳說
古帝王治道

天子改容聽焉淑人警雞鳴於昧旦誠燕暱於小
星曰慎毋以閨房怠朝省也亡何公陟少宰攝選
事進退百官天下想聞其風采未及三載以 聖
眷覃恩褒封建室淑人始膺禴翟之寵拜泥鸞之
錫矣公題其堂曰介福令門人袁袞等賦詩以頌
盛美焉時

皇后方開坤寧聽陰教詔諸命婦修朝謁之儀既
又建蠶室列蠶館率諸命婦就郊躬桑淑人例得
珠纓霞帔旅班行與從事曳文履於椒塗陪雕輦
於蘭綺實成周之異數而先漢之稀覯也乍舉竟
寢談者至今以爲榮及公以 簡命日隆漸闕台
衮執政嫌於逼已陰諷儉人就 闕下上書媒孽
公釁將中傷之禍發叵測公憤懣不知計之所出
淑人曉之曰公第以正自持即勘者召問具以情
對

天子聖哲必不惑於讒說已而 詔下果得貸僅

免公官雖伯宗聽戒於妻許允受對於婦曷過焉
及歸鄉里公鞅鞅弗豫思行樂適志淑人勸曰公
才望爲

上所知今執政且去位聞從左右常侍數數問公
安知無使者卽家召公令舍人趨治行奈何效楊
子幼自放乎里中莫不賢智其言先是作嬪于室
二姑在堂奉事以禮二姑相慶曰孝哉新婦何減
王家女耶撫諸子一如已生諸子歎曰慈哉母氏
卽王妣在無以加此矣御僕媵每有恩凡蒼頭婢
子皆曰賢哉主母王夫人殆未嘗死也若夫承廟

祀執姑喪佐夫君卑婚媾潔酒漿享賓客勤勞二
十餘年福備履綏願違偕老文敏奄忽益弘內範
兼綜外政諸子小有缺失召於庭下切責之汝不
能光昭徐卿令德獨不忍點王太傅家聲乎其嚴
憚若此歲時降誕子婦捧觴遍起上壽以未亡之
故爲悽然覆觴而罷自是子婦罔敢言家慶者平
生善自調顧強食無恙乙丑之春偶疾作綿歷至
冬竟不救藥而卒是爲嘉靖四十四年十有二月
二日也生弘治某年月日甲子一週復六矣亦中
壽匪促也子五人長玄度太學生娶吳氏先文敏

卒次玄成廕詹事府主簿俱王淑人出次玄英判
臨清州事次玄素玄佐俱太學生女一人先卒孫
男九人履貞者玄成子也出後玄度屬當承重因
董襄事云元元允德允恭敬中允治玉柱允若並
幼孫女九人一適太學生皇甫穀者余季子也宮
詹君從都下聞訃驚惋殞地痛哭曰曩余本不欲
行母命強之竟令抱恨終天矣不遠數千里徒步
來奔槁容柴脊室人不識也當王淑人卒時尚在
孩提淑人爲撫之令德感人若此宜其爲文苑名
臣之配屢叨恩渥上罇禁鬱日給於中厨黃金綵

繒歲頒於內帑身共享之子孫振振昌大厥後富
貴殊未艾也天之報施淑人亦單厚哉玄成等卜
以丙寅某月日遷柩於靈巖山之賜塋合文敏公
兆葬焉哀榮亦備矣是宜銘

周姜翊祚趙媛昌宗覽古遺絢炳訓于彤肅肅文
敏刑家自躬王謝郁升如璧獲雙淑人來嬪徽音
克嗣靖恭職思周旋從事諭夫于道迪子以義壺
譽夙欽曰惟賢智雖有茵鼎莫永慈年匪無膏沐
豈駐婺顏叢葭露拱木萋烟爰昭世美佑啓宮
詹鬱鬱靈巖 帝錫之塚生旣蒙恩死亦銜寵昉

彼湘君蒼梧是從潛德休光刊銘示頌

明重慶守陳公孫安人墓誌銘

嘉靖癸亥之夏重慶守陳公諫卒安人孫氏一慟
幾隕然猶強息以育諸孤遂構疾至隆慶戊辰春
亦卒蓋生固非安人志也日月有時孤琦璟等將
圖襄事而從兄瓚時爲太常卿移書往徵其狀來
乞銘展誦其言蓋歎河雎絕響晨牝貽詬徽音莫
嗣惟妬是聞至胤不遑恤而宗弗克紹者悲哉于
是乎有感于安人之賢也太常於

世廟時爲給事上書指斥時政著蹇諤風其言多

憤世之辭類如此按狀安人姓孫氏父鶴亭公某
母湯氏海虞鉅族也安人生而婉嫕稱閨房之秀
重慶公自幼穎脫爲鄉校之英考比部公復廉知
孫氏女而鶴亭公亦雅聞陳氏子申之以媒妁遂
締婚焉比部公時佐嶺南歸與妣徐安人爲子授
室廟見禮成喜曰所謂佳兒佳婦此奚忝耶翁姑
繼卒相夫執喪紀務協於禮敬事呂恭人隆娣妣
之儀呂恭人者瓚母也二姑並幼撫之及笄爲治
裝以歸二姑德安人猶母矣初安人因公未產子
蚤夜遑遑爲置側室乃生女安人亦自娠女則又

求宜子者納之乃告于公癸卯果生二子安人子之不啻已出公心始憚奮於功名遂以甲午舉于鄉丙午遊南雍安人從之金陵庚戌舉進士拜比部安人從之京師三載奏績安人膺封典奉勅命有樛木下逮之辭匪諛也丙辰領恤刑于閩便道携安人歸冠翟帔霞流珠綴珩宗黨榮之未及行乃有重慶之命則又從之蜀中公聽外政安人持內範甚嚴固扃鑰絕餽獻凡蜀產之珍屏去一無所好公治理以循良稱安人相之也乃以憊人構釁再朞而罷事具公誌迨反初服橐無贏金

安人脫簪珥以佐饘醢享賓客爲公卜夜之娛察其鞅鞅弗豫則又諭以南榮之誠廣以北叟之言敬通解宦左顧孺人樊姬進賢實昌楚胤忻戚蓋同之也庚申季子生安人則大喜曰無官有子曷輕重哉然公竟以失意隕身功名之會有不能忘情者矣安人日夕持季子泣而苦臥柩側素病癖至是益痼忽一夕聞舍中火起驚走而蹶無俟反風實由神護竟弗救藥悲哉隆慶戊辰正月十六日也生爲正德己巳十一月二日享年五十有九後夫死甫五易朔耳子三人長琦邑庠生仲璟太

學生季瑤女六人適馮者安人出也終安人不廢
寧省無匱母遺如子道云由是子孫振振玉樹之
產虞猶德星之聚穎也安人能知大計矣琦等卜
以己巳十一月十五日遷柩於虞山邵家灣祖塋
啓重慶公兆合葬焉禮也昔子厚誌叔妣陸夫人
具列柔儀罔諱爵齒太常倣之無遺絢無溢辭述
而銘之允宜

稽昔稗官著姤記馮荀之家幾覆嗣惟孫休休有
令美先君之思最任只鳳毛翩翩河東擬攬暉發
潛鳴陽起孰謂安人而無子虞山之灣兆重啓從
夫于邁妥幽里千秋萬歲應不死

沈太安人墓誌銘

憲使沈君應魁居母氏程太安人憂日月有時乃
衰經徒跣屆司勳氏之廬蒲伏稽顙悲號涕泣持
狀請銘其墓余亦爲歛歔久之發緘申紙狀卽太
安人從弟鄉進士大廉辭也事覈而言徵情據而
懿聞有足采者按狀安人姓程氏雲樓公鉞之仲
子也母王氏裔出伊洛兩夫子後宋德不競于越
是遷始占籍姑孰數傳至高王父兵曹可菴公式
正統間以死勤 國家無長物而清白是貽雲樓

公昭先令德率迪尤謹教子姓世其業大經舉鄉
薦授昌樂縣令大廉相繼穎脫駿發他日昌程者
此子已仲子幼秉淑姿夙開女誠授以孝經列傳
了悟大義稱閨秀焉及笄重慶守葵軒沈公海季
子似葵公虞喪其配張安人召媒媪圖嗣張者媪
嘖嘖賢程氏云非此莫能追媿張者以張孝謹有
徽音也因委貺焉雲樓公曰重慶之女先已拜吾
宗廟今以吾女往奉公祀非潘楊世睦乎由是仲
子歸於我至則相夫以恪撫遺孤以恩綜理家政
惟密御僮僕婢媵惟嚴歲時薦享惟裡羞賓客饌

饋惟腆似葵公遂亡內顧憂專擇外傅以訓諸子
彬彬爲文苑士云晚謁選曹授南京司城指揮三
載考績得 勲封其先大夫以歸而二子並舉於
鄉因解組屏居葺園開徑與昆仲遊式敦友于菴
忽捐館安人亦自舉二子矣視之如一凡篋笥所
遺庾帑所畜諸子均析罔有所私斗粟尺帛之謠
曷由興耶諸子又皆申申訢訢有翁孺之樂母氏
令善之化也

世廟庚戌應魁舉進士授南京儀部主事將母以
行安人享祿養者三年尋進封太安人嘗割已田

瞻季弟力爲解紛排難以慰母心無何擢憲廣臬而長子亦拜陳州守尋改趙州爭相迎養安人以路遙兼邁痰疾並却弗就二子餽獻省問相望於道安人叱曰汝居官守惟修乃職以報於君尚安念母乎穎羹陶鮓雖美非吾所甘也憲使以文學飭吏事赫有令譽竟以直免衆爲惜之安人慰之曰汝年尚壯而才器通達召復雲中收功澠上未晚也奚鞅鞅爲哉趙州亦不習脂韋棄去相與賦閑居於板輿詠循陔於蘭膳爲百年壽奈何昊天不弔朝露溘零悲哉三子哀慟踰於張安人亦

慈孝所感也時隆慶戊辰六月四日遡其生弘治癸亥十一月十三日年六十有六矣越歲己巳趙州君等卜以明年正月廿八日遷於寶巖灣之西北合司城之兆而葬焉趙州忽茹哀抱疚而卒憲君身獨膺之數也安人雖不躋上壽而享茵鼎之隆被榆翟之華生旣榮矣凡五子長應元卽趙州守次應魁卽廣西僉憲次應麟太學生皆出於張而長於程者也次應賓應龍太學生俱程出皆先安人卒孫男十一孫女九婚嫁皆望族曾孫男女四殆熾而昌矣嗟乎安人撫前子寢周而所生子

並天此又天之難謀者也憲君薄宦減產斂葬之
具鬻貸以充可謂孝廉矣司勳氏曰余歷觀古史
所載繼母之賢莫踰翟母穆姜者程實以之若事
繼母能孝則王祥薛包二子耳沈奚讓焉是宜銘
銘曰
婦順匪易母善其難愛克致佑姪乃構患惟程秉
淑紹張殫義勗爾諸孤不我延嗣天道胡爽人寵
則榮洵美二室從遊九京寶隧重開金蠶共函德
音孔昭芳儀潛翳

吳母顧宜人墓誌銘

在昔嘉靖癸亥秋七月楚叅吳大夫諱子孝一日
捐館其孤朴乞余表其墓不以余之不文謂余與
大夫交莫逆能詳其素履也迨今隆慶庚午春二
月大夫配顧夫人奄亦捐閣朴復乞余爲之銘謂
余從大夫所竊聞其聲也嗟乎曾不踰十年而夫
人從遊地下朴慟而對曰胡天奪母氏之速夫人
瞑焉猶自恨其徇夫之遲也孝哉賢哉按狀卽朴
泣血辭也與余所聞恒八九所未聞纔二三耳
夫人顧氏爲吳著姓曾大父巽大父睢諸父餘慶
並以辰年擢第起家吳中稱三辰進士者是也父

餘祥少爲郡學弟子真學行茂著後生稱魯齊先生云配俞氏少保公裔也居近閭闔之臯橋夫妻相敬有伯通德耀之風豈居之移人耶魯齊壯未有子生女溫粹淑哲圖爲擇佳壻文端公未第時嘗與同席硯而大夫甫五齡卽能占對魯齊見而奇之曰此兒長爲大器尚惡用他擇乎遂以女許之少長閑習女紅兼誦孝經內則及通諸史大義魯齊抗行雅遊頗有山水之癖不務家省夫人能相其母治生得不匱於給事具魯齊遺書中及歸吳姑薛夫人持陰教嚴肅上能曲盡婦道得其歡

心下則善諷其夫克勤於業大夫嘗賦詩美之辭多不載當是時夫人尚未有子念舅姑又止大夫一人每爲宗祀之憂因請於薛夫人廣求妾媵遂獲多男之慶視恒情妬媚何如哉延陵人氏罔不賢夫人者又爲魯齊公置妾亦舉二子武陵人氏又罔不德夫人者大夫舉進士拜台州理官時文端公解南太宰歸夫人請留侍養不赴郡舍其事舅暨劉庶姑尤加謹焉間課諸子講解嚴於父師訓諸女諳婦儀大夫由廣平擢南選部夫人貽書諷以虞丘之事報曰此吾夙心屈於家大人未許

耳卒上疏乞歸與借隱凡十餘年始承舅諱執喪如禮大夫復起儀部稍遷光祿少卿夫人亦不起京邸代綜家政爲子女畢婚姻視適庶並如已出云光祿尋擢湖廣叅議階朝列大夫提督太和夫人亦不與之楚臨別第曰仕至橫金於腰結紫爲綬亦足矣妾聞讐相懷私驕子黷賄豈容君等毅直進用乎大夫卒感悟曾未踰稔乃投劾去吳故世家夫人雖無餉畦視饋之勞而縞素恬澹昔王凝之妻謂有林下風者夫人近之矣昊天不弔殲我良人自是居嘗戚戚弗豫遇元旦長至及生朝

令辰子女率孫及甥羅拜稱慶輒謝弗受可謂永思矣丙寅歲朴以文端公蔭改授南京後府都事圖便養也值

世宗晏駕奉表入覲上疏陳情乞歸守朝列家法殆孝義濟美者矣夫人先以夫貴勅封安人今上登極覃恩都事君奉例欲上疏請贈典而夫人止之曰汝甫授官未有尺寸之報乃遽徼寵澤乎竟寢亡何背養惜哉彌留之日召都事君暨諸子謂曰汝先子自少負揆藻之才晚抱經世之志其擢第也選入翰苑大學士桂公以其氣俠外補

其理郡也屢膺臺薦宜居諫垣太宰汪公以其雄
視左遷海門之寇談笑而弭廣平之變鞅掌而戢
辛卯從事浙閩所取士幾二十人咸拔其尤若黃
中以飭憲稱沈鍊以極諫死一切不言小子識之
朴等泣曰唯唯乃今知大夫怨不為讐德不望報
量益弘矣向非夫人曷從紀哉其他推財好施賑
族恤里婦人恒事夫人踈節並畧而不書書其大
者遠者夫人卒於隆慶四年七月三日生于弘治
八年四月八日壽七十有六男子五人尚朴卽都
事君尚儉郡學生尚默尚遜尚潔俱太學生所娶

皆宦家子遜潔先卒女子七人皆適鼎族一嘗割
股起母疾者也孫男十人皆郡學生曾孫男二尚
儉而下非夫人出爲夫人撫若已子故不析其母
氏云朴等卜以是歲冬某月日奉棺某山之原啓
大夫之兆而合葬焉司勳氏曰若顧夫人者在文
端公爲佳婦在少叅公爲令妻在都事君爲賢母
三者有一焉世以爲難矧能兼之是宜銘銘曰
婦于文端觀考始妻於朝列昌厥裔母於都君迪
之義敦善亮節匹烈士閭儀瑣範惡足擬鸞章象
服榮宅里從夫委蛻名不死發潛闡懿詔千禩

明勅封太孺人劉母吳氏墓表

侍御劉君鳳卜宅撰辰奉母太孺人柩合其考文
林公以葬瞿太史氏志而銘之附青雲昭彤管孺
人可以不死矣侍御猶以懿行弘淑宜有表顯於
世乃輟哀收涕采絢述衷以請于余余家司直元
嘗娶於劉爲侍御許姊而水曹弟又同年也竊聞
太孺人壺德久矣及覽述辭覈而匪溢乃稽古昔
若陶母標塋於蠡上虞妃示塚於湘濱奚必稱夫
哉太孺人姓吳氏世以武功爵衛尉徙蘇父宏夙
齡嬰瘵未及拜官而卒母管太君二十而寡凜有

貞操孺人甫葺鞠之孔瘁稍長教以女紅誦習內
則女誠諸書性穎慧聽輒了悟由是益觀古今事
前史皆歷歷能道之至論成敗較若指掌丈夫莫
踰也年二九作嬪于劉劉爲郡著姓中丞而下繩
武科第素菴敷者學行稱於鄉門下從遊之士以
百數多躋顯官事具郡志子鏜爲怡晚公鏜子湘
爲廛隱公並善營積家用以饒生子梅卽文林公
也元配俞卒廛隱公每以單弱恤胤迨吳來歸喜
謂潘夫人曰新婦賢而貌具福相且占曰三五而
光子孫其昌天將繁我祚乎俾攝家事綜理周密

就養惟恪姑享其逸而夫亦得以覃精於藝矣猥
遭潘夫人喪哀毀永慕及廛隱公奄背泣盡流血
目幾失明厥後文林公携之京師庚午舉于順天
丁丑生侍御於京邸時孺人歸劉且一紀矣嘗恨
廛隱公不及見曰嗟嗟胡昔占者之言驗之晚也
以產子之艱愛之特甚丙午文林公拜汀州推官
以仁恕明允流其頌聲咸孺人勸諭之功及調潯
州越在嶺外蒙犯瘴癘公賴無恙又孺人擁護之
力也亡何文林公解官還減仲之產居嘗鞅鞅孺
人爲指侍御曰此子在何患終寔乎盡取篋中簪

珥毀以充贍畧無愠色而子果登甲辰進士拜中
書舍人恭膺錫命人共榮之乃以管太君貞惠未
宣旌典尚革獨不豫焉舍人尋拜南監察御史兩
奉祗役衣繡晝行吳市中觀者嗟賞圖展祿養而
文林公居忽屬疾孺人食不甘味臥不安寢願以
身代竟至委化及竣襄事遂屏華謝飾撤甘持淡
翻閱梵典研究宗因染著悉遣障礙都捐矣以故
侍御謫推興化移貳湖州曾無忻戚第勉以砥行
固志省刑愛民而已雖陶母之卻餽雋媪之問
平反曷過焉戊午之冬侍御擢廣東僉事方以道

遠不遑將母欲為投効計而太孺人難之先侍御
在閩中嘗一過汀父老詢知為故推子也扶杖擁
車陳說功德盡皆泣下侍御為之霑巾焉偶與太
孺人燕語及之悲戚致疾又以齊久傷脾飲藥不
救而逝已未二月甲子也嗚呼悲哉向使其子身
自之官寧不抱恨終天卽奉母氏偕往卒於塗視
闈閣為何如顧不幸哉或謂孝思開先佛理默相
非耶距生弘治丙午十二月己亥享年七十有四
男一卽侍御君娶顧氏孫男思濟女二孫女三皆
締婚名閥詳於志中其懿行固有彰彰足表者矣

嗚呼學之於人大矣哉世之恒女惟習紉組議酒
漿差不失婦順而已若吳之性資婉嫵才哲炳暢
動協于禮夫善事親而虔奉以愉乃成其孝夫素
友愛而雍輯無競乃成其讓雖無于外政而從容
詆諷夫為循吏慈矜嚴迪勗子令名凡此節槩皆
自詩書中來也其達權應變輕財好施慷慨有丈
夫之風至若祀先睦族血隣逮媵閑家儀軌瑣秘
不載載其顯者大者云爾系曰

漆室貞媛婦範未臻肅肅懿睦母訓罔聞斷機遷
里徽乏初嬪兼有三善惟吳孺人孰謂男子可不

學云虎丘之陽下從夫君業詮慧鏡報感慈輪爰
綴彤藻永播清芬

皇甫司勳集卷之五十五

男琳謹交

皇甫司勳集卷之五十六

吳郡 皇甫汭子循 撰

碑表五首

明資政大夫南京工部尚書贈太子少保何
公墓碑

會稽之墟實維於越禹陵降神克生英哲迺誕何
公爰振休烈身沒名彰宜表豐碣公諱詔字廷綸
號石湖越郡山陰人也少秉淵懿之資長負穎拔
之槩嗜學綴文藻德砥行爲諸生冠遂以明經起
家解褐登仕通籍

三朝耀組二京歷試郡藩載綬畿甸所在以能稱
自分工署迄拜司空翊世平成典邦水土終始懋
焉蓋秦漢以來司空與太尉司徒叅爲三事並超
九列赤符舉梁素絲崇衮公無忝已若夫江艘海
舸不愆以綜

陵工廟役勿亟而集示儉昭朴昉橋山之制疏會
通漕奏宣房之績乃增秩賜金錫讌褒璽近代司
空未之或有若初出知永平地隣京輦中官撓法
舊莫誰何至則卹災零雨廉枉章電民悅慈毋囚
畏神君嗣蒞于楚擲桂告警議發害積用給軍需

民旣稱便賊亦就殄廣漢之摘姦孺文之持法宋
均之徙蝗龔遂之弭盜殆兼之矣由是叅知西遐
則風行百粵稍遷右轄則化偃八閩群獠內款罔
不卽序可謂祗服忘勞盤錯別利者也雖漢史之
采循吏唐典之咨岳牧又奚讓焉至陟中丞持憲
三輔整肅戎務繁殖黎元糾按鉅豪裁罷冗費關
夫敵愾虜人櫛鬼北門鎖鑰倚公爲重亡何徑踐
卿佐矣于時識治者謂公宜居樞筦隱憂者謂公
宜任韜鈴刻書交薦柄用可期而公知足乞骸遺
榮反服暫允歸田之請未寢 當宁之眷昊天不

弔奪我刑獻海內惜之

今上悼焉然星精雖隕而鳳毛不死矣方其立傾
否之朝丁履尾之日遇劉襄苗克壯其猷突瑾龔
宏卒免於禍大雅保身有如彼既而際亨嘉之會
遇攀鱗之代龍蛇互用身名俱優又如此設天假
公洪毗金鉉協贊玉衡盛德大業詎可量哉至若
孝友繕性雖睦成風銜哀毀瘠展親翁孺教篤韋
經宦減仲產守萬石之醇謹幾慧度之織密疏公
罕羸餘之儲行父無衣帛之妾考旋月旦籍甚鄉
評凡茲大節以及世美具載亞相陽峰張公之誌

司成涇野呂公之碑虎炳雲煥垂光霄寓而仲子
大中丞鰲以余中憲先君與公誼爲聯榜分則通
家屬余甄次遺絢闡發幽潛稽昔執中爲宋名相
公侯子孫必復其始其中丞公乎公之夫人唐
氏先公卒卜兆於容山尋改卜於西余之陽而合
窆焉

帝給營葬秩贈官保湛恩汪濊寵靈攸妥堪輿家
流謂得善地亮哉徵哉辭媿不腆而事覈則傳矣
系曰

漢何武居無赫去見思流遺德明司空承先則良

哉稱二千石曰于藩維方伯暨中丞揚憲職夙夜
寅在公直胡憇遺嗟奄忽經西余筮從吉山蜿蜒
水抱一窠玄廬返真宅鏤鴻勲樹道側居永哀行
者泣於萬年長靡極

明鴻臚通事顧公墓碑

嘗讀太史公世家諸篇乃知尚貴尊賢禮之大經
也勾吳著姓有四而顧爲稱首今太保惠巖顧公
可學紹肅侯之家聲挺彥先之人望早歲擢科列
郎署叅外藩遺榮恬處幾十餘載值

皇上求舊搜隱馳安車之徵 賜清燕之接言每

當 聖意由是寵眷日隆數歲中超拜禮部尚書

晉秩宮保自父率祖及曾咸贈光祿大夫如其官
世祿之家鮮有踰於錫山顧氏者公有弟爲鴻臚
通事諱可文字與明別號惠崖同母馬夫人產也
粵自宋季不競民多南奔占籍錫之芙蓉山高祖
福五生壽山善治生富埒吳中 明興法網漸密
豪猾易梗有俞慎者聚而構亂邑遭株染父子逮
繫雖獲矜釋而門戶傾圮矣時大父信尚在齠年
匪友人錢氏存下泣之仁念把臂之誼幾不能全
至芹軒公某修業而息之稍復其始與其弟比部

泉州公各訓誨其子誦法詩書繼武科第五世之
後莫之與京謂非天道與善之報耶通事君生而
容貌魁梧性姿倜儻馬夫人知非凡兒愛之特甚
而芹軒公聽其任俠亦未嘗苦爲繩檢乃棄弟子
負授興邸舍人竟投檄不屑就居嘗敬事長公相
與翁孺推衣讓果有李孔之風太保公從宦遠違
曰以二親累君生能奉養獨勞歿則哀毀共茹輒
歎曰有子如弟吾愧多矣東山旣起移書召弟促
之如京至得改授鴻臚携入直廬縱觀禁籞之麗
日所頒大官醪饌退而燕私都人榮之乃告其兄

曰昔吳季札之賢以來聘獲觀周樂爲幸漢蘇卿
垂希世之節而位不過典屬國余所叨誠已踰分
尚安覬乎懇辭以歸都人賢之太保笑曰君殆諷
余思少游耳公卿大夫聞而賡爲詩以贈并爲之
壽今彙爲集云雅嗜山水之游兼有花癖嘗築別
業於城東結亭葺榭壘石穿池踈篁夾軒叢菊被
徑日邀賓朋觴咏其中夜或寢處花下不知露之
霑茵也又構凝雲書院繚垣飛陛飾以丹漆置蒲
滿砌葱蒨逼人因號爲蒲仙性落鳧不事家業嘗
曰人非無財之難立而無令名之爲患大丈夫不

能策足要津以弘功烈胡與賈人壤壤逐利爭尺
寸於市肆間哉家無長物而好千金之施義所不
平而專趨人之急敦睦洽比無小大親疎多蒙其
惠者嘉靖己未歲旱為虐忽病熱流火之月愈煩
躁家兒汲山中第二泉置几榻間滌之始蘇竭則
如故而體益憊矣因歎曰周詩云我心憚暑憂心
如薰安得清風靈雨俾延餘息哉既望四日而卒
卒之日無問知與不知皆為悲慟聲震里中方在
彌留言不及家務曰以余被華食甘乘肥御豔七
十餘年志亦足矣子孫並能文不墜先業更何身

後之戀哉第令移蒲菊數本設水檻以娛冤鬼此
與魏武上脯構陳妓樂者清濁殊致矣先配陳孺
人繼郁孺人並先君逝長子起經出為太保公嗣
次子起綸為從弟可觀嗣俱官嶺外祗役歸覲躬
視考終二子奚憾哉乃各命一孫斬服行三年喪
禮以義起制由情生君子謂能達權矣太保公敦
鞠子之哀流終鮮之痛手自勒狀不遠數千里請
銘於甘泉湛公葬十二月某日懼道阻愆期請
余為文以表其墓嗚呼世如通事君者亦翩翩然
佳公子矣嘗擬樂府作調曲又倣唐音為律詩集

行於藝苑雖乏顯位而有令名宜歌以表之辭曰
惟孝與弟行於家太保之言微而匪誇惟信與義
著於鄉無間昆言欲蓋彌彰芳聲籍甚聞於朝彼
都人士式歌且謠積善餘慶垂於後宜爾子孫克
昌以茂恩錫幽隧惠之陽別開宅兆祔以藏表茲
潛德百世永光

明朝列大夫湖廣布政使司右叅議吳公墓

表

鬱鬱蒼蒼有山曰陽古廬

帝錫永祔寵光此延陵吳仲子之墓也曷表之公

諱子孝字純叔別號海峰晚更龍字自延陵而降
世爲長洲山塘里人生而穎悟絕人考文端公愛
之甚五歲占對七齡賦詩敏出過六八美由卽席且
機辨響捷長於典謁遂使字父謝從心呼友起敬云
李文正程篁墩並爲學士一代偉人文端公時爲
編修携以往見咸深器之至弱冠博覽得於兼行
玄思成於宿構將濟世匡時乃著說守以見志焉
隨任留都喬司馬座客常滿至則盡傾王新建門
不妄通見輒嗟晚名益振於諸生間矣壬午舉應
天越巳丑

皇上臨御之八年也天下士舉於南宮者三百二十人吾蘇十有六人公爲之首及賜第選爲翰林庶吉士上方稽古禮文銳情經術延攬俊乂殷潤皇猷有若吉水羅達夫會稽楊汝成陳約之西蜀任少海熊叔抑東魯李伯華上黨栗仁甫江左唐應德公與余十數子者敷緯國之華摛揆天之藻雖枚馬之輩相得而快甘泉之遊然絳灌之屬交嫉而興洛陽之譖矣厥後曹給事數相於闕庭王中郎忤宰於省闈曾楊二侍御批龍鱗而抗蕞言視鴻毛而輕一死其餘馭歷中外蜚英聲騰茂

實者莫可勝算我明得人於斯爲盛矣然不克久奉清班超踐崇品命之所遭亦畧相似也先是文端公喜業紹於池毛懼途迫於鍾漏由南吏部尚書乞骸東歸避賢者路哲哉公初授台州推官便道過吳獲展家慶圖欲陳情奪於父命而止居台三載擢廣平通判夫以藝苑之英出爲理官以臺諫之器置爲郡尉大乖常格人共駭惜恬不爲意恪供職司折獄平反越號神君典牧蕃息趙稱良吏豈恥視刑案不對馬曹徒守文墨而不閑吏局者哉文端公聞之移書嘉勞亡何以廣平最拜

爲南文選王事至則堅請侍養竟蒙予告酬其初
願孝哉歸乃竭力娛親大構別業昉平泉以治園
擬東山而營墅臺榭亭館之華林竹花石之盛甲
於吳中罔有踰者鄭莊開驛賓客響臻鄴架儲書
子孫絃誦他若賜金樂施懸車許借雖文端雅量
能成其志者公也里人慕其風曰生男當如吳仲
子矣今三賢堂所集後學彬彬向化皆公造焉壬
寅文端公八十有三薨執喪毀瘠恤典加隆備其
哀榮從公請也乙巳起家補禮部精膳主事尋陞
光祿寺丞去羨裁冗著爲甲令所減大官之費歲

以億計自是寢有列卿常伯之望以性剛毅介直
好面折人過無之持論峻激不爲脂韋渙忍忌者
媒孽其短政府銜之銓司希旨出爲湖藩右叅議
分守下荆南道提督太和山公歎曰天台武當世
謂福庭靈窟何幸兩爲仙吏他日溘死牖下鬼鬼
當遊二岳間也褰帷行部齋服謁祠暇則延眺於
鹿門致慨於峴首曰龐公叔子獨何人耶太和歲
例出納悉委所司乃稽其贏籍記之權璫斂手錙
銖莫敢私者陰畜憾焉庚戌察吏坐讒免官廉吏
可爲而不可爲信哉由是浮湘江遵鄂渚下赤壁

遡采石而還如弔屈原懷賈傅諸作辭多不載閉
關卻掃葺其先人之廬觴咏其間家隣虎丘每花
辰月夕或杖策攀躋或操舟沿汎狎魚鳥以留連
從林遠而忘返辛壬癸甲之歲師旅方殷飢饉相
踵凡備倭輯盜禦早防潦臺省造門咨訪規略多
出公議較若指掌賴以輯綏終不自言家居數載
余亦自滇免歸把臂甚驩命酒慰勞相信益深凡
有述造示余商榷評定之玉涵集余所選次并明
珠集皆爲之序昔左冲假寵於士安沈約邀賞於
元禮其槩一也追昔彈冠京輦策馬交馳聞鷄蹴

起當是時入思論道於東觀出思銘勲於西域乃
今徒以雕篆爲伎鉛槧垂聲即使不朽豈余二人
之志哉所期共保玉體俱享黃髮癸亥之春忽染
痰疾步履稍難言語遺誤竊爲憂之七月八日避
暑虎丘再宿疾作返舍危坐揮藥不御申旦長逝
矣距生弘治丙辰正月十一日春秋六十有九天
胡不稍假俾臻古稀也悲哉公配顧氏封安人所
生五子長曰尚朴以文端廕應拜京職次尚儉郡
學生又次尚默尚潔尚遜俱太學生潔先公卒孫
男八人亦皆駿發所締婚媾俱鼎族云公善誨諸

子逮孫並爲儒流一洗統習雖竹室別開銅盤異
饌將以勵之而龍翔桂挺方之荀實友于觀摩之
力也小有過差不爲譙讓潛自改省無傷和氣焉
公豐頤便腹朗目脩眉聲如洪鐘每酒酣耳熱引
目微眈掀髯宣吐謔浪唾咳文采煥發聽者咸避
其鋒歲時伏臘薦享虔肅至敦睦宗姻蒙舉火之
惠矜卹孤寡殫分宅之仁人有緩急力能解紛事
有不平慷慨爲理獎拔善類揜護瑕疵皆人所莫
能及也所著有說守問馬集仁恕堂日錄玉涵堂
集明珠集平胡論及序記碑銘若干卷行於世重

修宋史殺青未就以俟後人字學虞歐稍變戈法
詞宗晁晏尤長小令下筆輒成倚馬可待得之者
列開府之屏題戴山之筵照乘揜輝徑尺非寶也
卒之時朴承諱自京數千里徒步來奔蒙犯霜露
不浹月而抵帷堂一慟幾絕孝行若此公其有子
哉越明年甲子閏二月十日偕弟儉等奉公柩權
厝於陽山文端公 賜塋之側俟吉乃葬彭徵君
狀其事王岳伯著爲銘互闡幽光都無遺絢矣謂
余與公最爲相知司直兄子復嬪於儉兼有世睦
之好屬余表之夫萬石孝謹公儷其醇太丘長者

公駿其風顏氏義方公迪其訓河陽拙宦公戒其
多子長史才公纂其緒少陵詩律公嗣其響從公
游者易名於蓋棺稽法於史氏謚曰貞毅不亦宜
哉系曰
延陵亮節千載以還德徽匪墜季仲之間鴻筆色
絲刊石永堅余表其大揭之名山

明吏部文選清吏司員外郎王君墓表

吏部文選員外郎王君卒其門生陸尚寶師道狀
其行友人王參議庭爲之銘足以闡懿生平垂休
來葉矣諸孤謂余與君乙酉同舉于鄉已丑同升
于朝交最篤而知更深也請表其顯且大者聊補
誌狀所未備云

君諱穀祥字祿之惟辛酉君以降而上世嘗頌酉
室者適符其生因題其居而自稱酉室云系出大
原晉末徙閩之福清唐水部祭爲世譜載其先大
雅慎微皆起進士傳至八世祖仲舉贈奉議郎始
遷吳之長洲生蘋仕宋爲著作郎終中大夫生敏
精于醫生觀能世其業卽君之父也子孫守其方
書往往全活人吳中稱醫家者流必首王氏云君
生而器雅童烏之齡卽能屬文樂安之歲選充縣

學弟子員文恪王公一見奇之曰吾宗千里駒殆此子矣時文待詔蔡孔目尚在諸生中引爲忘年交二王諸表以才齊名旣舉進士改翰林庶吉士先帝疑政府私樹桃李詔悉罷之乃授工部屯田司主事少宰徐文敏公乙酉座主也薦調考功尋署文選員外遇正郎缺朞月不拜謂君明慎銓藻咸當其人力足攝也時太宰爲婺源汪公鉉專伺政府賢不肖一切倒置選法幾壞君每與忤將中傷君君稍覺乃以母老不便北土乞歸侍養而忘其有兄不得輒引是例命下予告仍勅按院覈之

遂出貶真定尉葉不拜兄穀禎尚官嶺南郡幕先有傳其物故者妄也嗟乎爲母承譴無忝人子矣時鄜子汴王子慎中任子瀚唐子順之並以才居吏部不利爲伍君行而諸子亦相繼謝去鄒陽入朝見嫉之言固不驗耶後周恭肅公故吏部少宰也再召入京謂汪曰公不足王子者奚故汪曰本部左遷非止一人彼獨薄尉者非矯耶周笑曰公謬矣員外初以母不便於北土真定去京師纔數百里獨能安耶旣以母老乞歸今可捨之而身自之官耶是猶欲其出而閉之門也江浙間寧無散

郡可迎養者乎公領之意終不釋而君亦矢心不復仕矣亡何太安人背養居喪敦禮以父事兄以母奉寡姊友睦蓋天性也杜門却掃委懷圖史絕戀紛華旣無塵網之嬰亦無山水之好有田在東郭外課農自給殷春閱耕迨冬納稼間一往與田父老談笑移日不知爲吏部郎也胡安人亦時往饁之君曰昔介子與母偕隱龐公將婦以遊向恨失之綿上今幸得之鹿門矣撫按諸司交相推薦疏累上未報厥後太宰爲甌寧李公默已丑房考也素重君諷御史特疏舉君又移書所司爲趣駕

終不赴時倭夷構亂兵火戒嚴人皆以墳墓妻子爲念奚暇計爵位哉安人痛姑之亡鬱鬱喪明君素不畜妾媵躬視家事雖洒削胃脯酒漿之瑣悉理周密或以此少之而君恬不恤也君旣不出而李公竟坐讒死世益賢智君矣

今上嗣位簡用

先帝舊臣君業已補尉大名至是超拜南京文選主事地近而易卽僉謂由此可立致崇顯而君稱疾堅不就衆爲惜之而陸君由南儀曹起僅遷尚寶君殆有見也郡守永年蔡公甫下車首書清德

表其里枉駕造其廬坐床第間相勞苦君口不能
語咄咄書空稽首作謝狀里中嗟歎謂賢哉蔡侯
也隆慶改元丁卯春二月十二日安人胡氏卒君
震悼幾殞五內俱傷又力疾爲治喪事痺遂劇非
藥石刀圭可緩息也越明年戊辰九月九日卒七
十稀年未躋二稔耳悲哉先是文待詔方負重名
吳人士多因之起譽君尤所親愛其所否者余安
定與黃江夏耳君爲詩冲澹而不尚綺靡文亦典
雅有則書倣晉人不墜右軍大令之風寄興丹青
追工摩詰之技篆籀八體並臻妙品晚抱書癖手

自抄錄無間寒暑讐校魯豕畧無脫誤雖大亮之
百卷繕寫子孺之三篋刊亡曷過焉今張燕公陸
放翁曾南豐三集南唐書野客叢書手澤猶存所
纂郡學志并著詩文若干卷行于世君性整潔不
爲苟簡室中器物置必有恒所衣服巾履雖敝無
點膩可滌足跡未嘗入公府有以事干請者挹其
風槩不復敢言客有詆人短者以他語亂之慙色
而去自唐宋以降數百年遺像封誥璽書之類必
加寶護此外無長物也子男三長仲友國子生次
仲恭郡學生季仲序孫男四婚娶皆名族詳具誌

中茲不載君亦可以不死矣是歲十二月二十八日卜吉祖塋旁仲友等奉二棺合葬云

司勳氏曰若王負外者表署于鄭鄉稽評于月旦勒有道之碑展季子之墓易名斷諡其在陶趙間乎夫嗇君者年完君者天夷清而聖減節而賢嗚呼先生之清節足以起懦激廉矣靈巖之境橫山之巔白楊蕭蕭爰起新阡灼灼桃隴夫人從焉奮猷樹烈後其考旃

明奉訓大夫知夷陵州蔣君墓表

夷陵刺史蔣君卒其友人徐隱君鱗狀其事同年

林太史公樹聲爲之銘亦足考裔於往牒流輝於來葉矣元子太學生宇志猶欲表其墓乃請於司勳氏將以昭潛德而永孝思志誠可嘉矣夫包山之陽消夏之灣堂而封者大夫之阡歟君諱球玉字國華別號平丘生其先自成周時封旦子伯齡于蔣以國爲氏傳至漢山亭卿澄宋戈陽之奇皆以通侯顯子孫散處河洛間高宗時司樂璿扈蹕南渡始居毘陵載徙包山遂爲吳人云曾祖渾祖旻父軫皆褐玉韜光因山修業有桑麻橘柚之饒比素封焉伯父詔

武廟時登辛巳進士超拜御史稍復其始君生而英敏絕倫八歲誦詩書二七善文辭嘗携之母家外曾王父翰林蔡公一見器之曰繼侍御者此兒矣弱冠博極群書咸通大義補鄉校弟子員試輒居諸生右里中鉅室爭遣子弟從之遊今上改元庚子歲當比領薦南畿後屢試春官不第歎曰吾自謂下筆言妙天下取青紫若俛拾地芥然阨於數奇非文之罪也裘敝金殫鬢凋顏改不復能與少年馳逐矣且古人或以推擇垂勲或由辟舉熙績奚必區區一第乎甲子謁選銓曹先是夷陵

缺守荆楚方有戎事地當巴蜀孔道素稱繁劇難理天官氏廉得君才乃就闕下拜為夷陵刺史一命而為大夫朱幡皂蓋握銅符而綰銀艾亦足為榮矣捧檄歎曰豈不懷歸畏此簡書我之謂矣暫圖將母而後之官未晚也乃戴星叱馭扶疾遄征渡江愈革竟卒於舟中去家僅百里乃不克死於牖下天乎命哉年纔五十有六耳宇志嘗遊太學司成而下若博士掌故咸敬禮之曰是平丘子耶蔣氏代不乏人矣諸孫並森森秀發君其不死哉詳具志中或曰大夫未嘗蒞官臨民展采錯事

曷用表之司勳氏曰昔仲弓以懿行表鄉萬石以醇謹範族故刑于之化可以御邦孝友之善是同為政詩書所稱曷戾焉君處兄弟間推財讓產取老甘眷家賴舉火戶蒙燔券者多矣又好為然諾專務趨人之急包山去城府頗遠湖卒風濤險莫可涉人有忿爭不聽於邑令而折於君之一言倭夷犯山中君出數千緡召募義勇授以奇策一境獲安山有津曰鎮下水潦泥壅舟觸輒覆乃捐橐中百餘金脩治之民免於患以此數端徃試一州則其興鄭國之渠弭渤海之盜空太丘之獄棄高

陵之田何有哉而今已矣天不助楚殲爾父母悲乎夷陵之民聞計輟舂罷市曰祀子產於東里葬朱邑於桐鄉吾儕小人敢忘茲義乃想魂流涕而為招曰坎坎伐鼓僬僬屢舞我歌惟些俟侯沱浦侯之來兮完襦與袴侯之不來兮捨柝及斧生不蒙其澤兮死願受其祐余既表其事并采其言書于墓石

皇甫司勳集卷之五十六

男琳謹校

皇甫司勳集卷之五十六

男琳

皇清司勳集卷之五十六

男琳謹啟

